



03954852



EXAMINATIONS COUNCIL OF ZAMBIA

GRADE SEVEN COMPOSITE EXAMINATION – 2022


## Chitonga

SUBJECT 5/4  
TD/TO5/G7/2022

CIINDI: Maminiti 60

### Kulailila

- 1 Bala kulailila kuccilila kabotu-kabotu.
- 2 Utavwununi pepa eeli kusikila waambilwe kucita boobo.
- 3 Utalembi-lembi apepa lyamibuzyo yamisunko. Basunki balakulailila cakucita.
- 4 Kuli mibuzyo ili makumi osanwe (50) muzyibeela zyili cisambomwe mupepa eeli. Mubuzyo aumwi ujisi kwiingula kwapegwa kone, pesi komwe nkokuluzi kwiinda koonse. Weelede kusala kwiingula kuluzi ooku. Wakusala, uzile-zile mucibaka muli bbala likozyenye aleelyo lijisi kwiingula kuluzi mbuli boobu:



Kuti kwiingula kuluzi kali 'D', weelede kuzila muli 'D'. Weelede kuzila-zila imuli kwiingula kuluzi cakumaninina kubelesya mpesele. Kuti wayanda kucinca kwiingula kwako, umwaye kubelesya cimwaisyo cinyina tombe kabotu-kabotu. Wamana notizile-zile mucibaka cimbi cijisi kwiingula nkoosala munsi.

- 5 Wamana kwiingula mibuzyo iili apeeji lyomwe, uzumanane kupeeji litobela: Utalindili kwaambilwa.
- 6 Waambilwa katalika ubeleke cakufwambaana, pesi kotaanguna kuyeeyesya.
- 7 Kuti kojisi mubuzyo, kobuzya lino. Tokwe kuzumizigwa kubuzya musunko watalika.
- 8 Utavwununi peeji eeli kotanaambilwa.

**DO NOT TURN THIS PAGE UNTIL YOU ARE TOLD.  
USE ONLY AN HB / PENCIL FOR YOUR ANSWERS.**

**CIBEELA CAKUTAANGUNA**

**Oomu mucibeela kuli mibuzyo iisika ku 15. Mubuzyo aumwi ujisi kwiingula kwapegwa kone, pesi komwe nkokuluzi kwiinda koonse. Weelede kusala kwiingula kuluzi akuzila-zila mucibaka muli kabala kakozyenye akaako kajisi kwiingula kuluzi mbuli boobu:**

**Mukozyanyo:**

Cisamu ... cilakatazya kutyola.

- A cipati
- B kapati
- C mupati
- D tupati

**Bwiinguzi** ngu **A**. Zila-zila kwiingula kuluzi mbuli boobu:



**Sala bbala lyelede kubikkwa mukaambo akamwi.**

**Lino koingula mibuzyo itobela.**

- 1 Nkuku yakakkala ... aciluli.
  - A atala
  - B kutala
  - C kumbele
  - D mukati
- 2 Nsondo iboola ... kukuzundana bbola.
  - A tuunka
  - B twakali
  - C twakaunka
  - D twakaunkide
- 3 Nkuku yakauluka akukkala mucisamu ... kutegwa bataijati.
  - A cifwaafwi
  - B cikotede
  - C cilamfwu
  - D cineneede
- 4 Baama batutuma kukutebba ...
  - A bwizu.
  - B loози.
  - C mbalo.
  - D nkuni.

- 5 Basicikolo ... zykolo mwezi wakamana.
- A bajula
  - B bakajula ✓
  - C balajula
  - D bayakujula
- 6 Dolopo lya Lusaka ... kwiinda madolopo aambi mu Zambia.
- A ndipati ✓
  - B ndisyoonto
  - C nditete
  - D ndiyumu
- 7 Ndayeeya kuti ... lino nolitana bbila zuba.
- A tukanyamuke
  - B tunyamukide
  - C tunyamuke ✓
  - D tuyoonyamuke
- 8 Naakanjila mudolopo mali wakaasisa ... mwabbusu.
- A mukati ✓
  - B munkomo
  - C munsi
  - D musyule
- 9 Ŋombe eeyi ... mukupa kapati.
- A cilazwa
  - B ilazwa ✓
  - C kalazwa
  - D zyilazwa
- 10 Ndeenda musinzo ... aboobo ndakatala.
- A mufwaafwi
  - B mulamfwu ✓
  - C mupati
  - D musyoonto
- 11 Baama ... nyemu kumuunda lino.
- A bakasya
  - B banoosyide
  - C basya ✓
  - D bayoosya

12 Imvwula iwa kapati ciindi ca ...

- A cilimo.
- B kumwaka.
- C mainza. ✓
- D mupeyo.

13 Wakawa kuzwa mucisamu ... taakalicisa pe.

- A alimwi
- B naa
- C nokuba
- D pesi ✓

14 Bamwi bana ... kuya kucikolo.

- A balakaka ✓
- B cilakaka
- C kalakaka
- D tulakaka

15 Bubotu ... ulasyomeka kwiinda mweenzyinyoko ulya.

- A bwako ✓
- B kwako
- C lyako
- D twako

### CIBEELA CABILI

**Bikka twaandaanyo tweelede mucibaka camanamba.**

**Mukozyanyo**

(1) Sena kuli utayandi kulya (2) (3) bakabuzya banyina (4)

	1	2	3	4
A	.	"	?	"
B	"	?	"	.
C	.	"	?	"
D	?	"	"	.

**Bwiinguzi** ngu **B**. Zila-zila kwiingula kuluzi mbuli boobu:



**Lino koingula mibuzyo itobela.**

**16** Ampulazi yabataata kuli micelo mbuli mango (1) mapoposi (2) magwaba (3) masuku amalubbeni (4)

	<b>1</b>	<b>2</b>	<b>3</b>	<b>4</b>
<b>A</b>	/	/	/	✓
<b>B</b>	.	/	.	/
<b>C</b>	.	.	.	.
<b>D</b>	.	/	/	/

**17** (1) Maawe baama (2) (3) wakakankamuka Kadeene (4)

	<b>1</b>	<b>2</b>	<b>3</b>	<b>4</b>
<b>A</b>	"	!	"	✓
<b>B</b>	"	.	"	?
<b>C</b>	?	"	.	"
<b>D</b>	.	.	"	"

**18** Chipego wakali kuciswa mwida (1) mutwe (2) musana (3) mpeyo akugonkelwa mumagondo (4)

	<b>1</b>	<b>2</b>	<b>3</b>	<b>4</b>
<b>A</b>	/	/	/	✓
<b>B</b>	.	.	.	?
<b>C</b>	.	/	/	.
<b>D</b>	/	.	/	.

**19** (1) Accu (2) Nguni wanduuma bbwe (3) (4)

	<b>1</b>	<b>2</b>	<b>3</b>	<b>4</b>
<b>A</b>	"	/	.	"
<b>B</b>	"	?	?	?
<b>C</b>	"	.	.	"
<b>D</b>	"	!	?	" ✓

**20** Muvwimi wakajaya nkanga (1) sulwe (2) mbaambi (3) kwale anziba (4)

	<b>1</b>	<b>2</b>	<b>3</b>	<b>4</b>
<b>A</b>	.	/	/	.
<b>B</b>	/	/	/	✓
<b>C</b>	/	.	.	/
<b>D</b>	/	.	/	.

**CIBEELA CATATU**


**Twaambo tuccilila kuti twalembwa kabotu tulakonzya kwaamba cintu cimvwugwa. Ino tweelede kulembwa buti?**

**Mukozyanyo**

- 1 wakaciswa
- 2 cuute
- 3 nguni
- 4 kale

<b>A</b>	2	4	1	3
<b>B</b>	1	3	2	4
<b>C</b>	4	2	3	1
<b>D</b>	3	1	4	2

Bwiinguzi ngu



**Lino koingula mibuzyo itobela.**

- 21**
- 1 atala
  - 2 nkapu
  - 3 lyatebule
  - 4 bikka

<b>A</b>	4	2	1	3
<b>B</b>	1	3	4	2
<b>C</b>	2	1	3	4
<b>D</b>	3	4	2	1

- 22**
- 1 mwakali
  - 2 mwwula
  - 3 kabotu
  - 4 yakawa

<b>A</b>	2	4	3	1
<b>B</b>	4	3	1	2
<b>C</b>	3	1	2	4
<b>D</b>	1	2	4	3

- 23**
- 1 Wakali kuzyisambala kumantoolo aandeene.
  - 2 Nokwakainda mwaka wakacikonzya kuula moota.
  - 3 Malambo wakali muvwubi wankuku.
  - 4 Mali ngaakali kujana wakali kwaayobola.

<b>A</b>	2	4	1	3
<b>B</b>	1	2	3	4
<b>C</b>	4	3	2	1
<b>D</b>	3	1	4	2

- 24
- 1 Beenzu bakajana umaninzya biya.
  - 2 Wakailya kakunyina akubuzya.
  - 3 Banyina bakalisenda cibyaabi.
  - 4 Chimuka wakajana nsima atebule.
- |          |   |   |   |   |
|----------|---|---|---|---|
| <b>A</b> | 3 | 4 | 2 | 1 |
| <b>B</b> | 2 | 4 | 1 | 3 |
| <b>C</b> | 4 | 2 | 1 | 3 |
| <b>D</b> | 1 | 4 | 3 | 2 |

- 25
- 1 kuli
  - 2 Choolwe
  - 3 ino
  - 4 uya
- |          |   |   |   |   |
|----------|---|---|---|---|
| <b>A</b> | 4 | 2 | 1 | 3 |
| <b>B</b> | 2 | 4 | 3 | 1 |
| <b>C</b> | 3 | 1 | 2 | 4 |
| <b>D</b> | 2 | 3 | 4 | 1 |

### CIBEELA CANE


Oomu mucibeela kuli mibuzyo iili 10. Mubuzyo aumwi ujisi kwiingula kwapegwa kone, pesi komwe nkokuluzi kwiinda koonse. Ulasunkwa kujatikizya mabala ncaamba, twaambyo, maambila-mbali amapelo.

#### Mukozyanyo:

Jilo twakatambula atakondi. Eeci caamba kuti ...

- A** twakatambula malila.
- B** twakaswaigwa bulwazi.
- C** twakaswaigwa mweenzu.
- D** twakatambula makani.

#### Bwiinguzi ngu A.



#### Lino koingula mibuzyo itobela.

- 26 Kwaamba kuti **matako mpe lubilo** caamba ...
- A** kululauka.
  - B** kulunduka.
  - C** kupangana.
  - D** kupegwa.

- 27 Sena mwazyijulila kale ...?  
A mpogo  
B mpongo ✓  
C pogo  
D pongo
- 28 Hacilula kwakamulema kumakosi naakajatwa bulozi. Ooku nkokuti ...  
A bakamuuma kumakosi.  
B wakaciswa. ✓  
C wakagunwa. ✓  
D wakazimba kumakosi.
- 29 Baama babweza musunta. **Musunta** caamba ...  
A bwizu bwaangwa antoomwe. ✓  
B mabwe alaantoomwe.  
C museenga walundikwa.  
D nkuni zyaangwa antoomwe.
- 30 Ŋombe ntaanzi njiinywa meenda mabotu caamba kuti ...  
A kufwambaana kucita cintu cijanya cibotu. ✓  
B kufwambaana kucita cintu ncibi.  
C ŋombe itaanguna kusika kumulonga nimbotu.  
D ŋombe njiyelede kutaanguna kunywa meenda.
- 31 Mucado wakasaya kabamanide kale kujika zyakulya. **Kusaya** ...  
A nkumana.  
B nkutacitika.  
C nkutalika. ✓  
D nkuzwidilila.
- 32 Uuya mwana ulanyansya bapati. **Kunyansya** caamba ...  
A kutalemeka. ✓  
B kutavwiila.  
C kutukila.  
D kufwubaazya.
- 33 Chimuka tayandi kusulila mwida. Eeci caamba kuti tayandi ...  
A kupozomoka kwaambaula.  
B kuisikizya twaambo. ✓  
C kwaamba masimpe.  
D kwaambaula kapati.

34 Ndakatanta ... kuya ku Libingi.

- A ndeeke
- B ndeekke
- C ndeke ✓
- D ndenke

35 Kunina mutekelwa caamba ...

- A kubaa buyamba.
- B kubaa coolwe.
- C kulibuzya coolwe. ✓
- D kulipa malweza.

### CIBEELA CASANU


Munselelo kuli mabala atwaambo tulembedwe mucikuwa. Sala busanduluzi buluzi kuzwa kubwiinguzi bone bwapegwa.

#### Mukozyanyo

Bbala lya 'protect' mucikuwa ngu ... mu Chitonga.

- A jatilila
- B kwabilila
- C lulamika
- D tandabika

Bwiinguzi ngu B.



Lino koingula mibuzyo itobela.

36 Bbala lya 'sing' mucikuwa ngu ... mu Chitonga.

- A kamba
- B imba ✓
- C lila
- D lya

37 Kaambo kakuti 'I am going to town' mucikuwa ngu ... mu Chitonga.

- A Nduunka kucintoolo
- B Nduunka kudolopo. ✓
- C Nduunka kumunzi.
- D Nduunka kumuunda

- 38 Bbala lya 'oxen' mucikuwa ngu ... mu Chitonga.
- A basune ✓
  - B mbelele
  - C mpongo
  - D njombe
- 39 Kaambo kakuti 'Today is very cold' mucikuwa ngu ... mu Chitonga.
- A Sunu kulakasaala kapati.
  - B Sunu kulapya kapati.
  - C Sunu kulasiya kapati.
  - D Sunu kulatontola kapati. ✓
- 40 Kaambo kakuti 'The headman called a village meeting' mucikuwa ngu ... mu Chitonga.
- A Basibbuku bakaitwa kumuswaangano wamunzi.
  - B Basibbuku bakaita muswaangano wamunzi. ✓
  - C Basibbuku bakaita muswaangano kuti munzi.
  - D Basibbuku bakaita munzi mumuswaangano.

### CIBEELA CACISAMBOMWE

#### Bala cibalo eeci

Michelo wakazyalilwa kumunzi. Bazyali bakwe bakali bacete. Bakali bantu balombelela lyoonse. Nibakakwatana bazyali, kwakainda myaka iili cisambomwe kutegwa bazyale mwana. Akwalo oku, bakacita kunjila mucibiya camuntu. Ndendilyo eeli Michelo naakaima. Akwalo kukomena kwakakatazaya nkaambo wakali muntu utabukili bulo. Eeci cakatalikide kubakatazaya bazyali, kapati banyina, nkaambo kakali kalungu kaamoyo mbukakali kasimbi. Inzya! Bamakaintu lyoonse balabayandisya bana basimbi akaambo katunsiya-nsiya twakuti mwana ubalilwa kumukowa. Aboobo banyina bakali kuyandisya kuti mukowa wabo kauyaa bukomena.

Michelo naakakomena kusika aciimo cakwiiya wakatalika cikolo. Bakasoka bamukaka bamayi nkaambo taakali kukomena bweelede. Bakaambide kuti wakacili mwana musyoonto. Cakabagwasya bausyi ncipepa cacipimo cakucibbadela calo cakatondezaya kuti wakaliindide kale aciimo. Naakanjila cikolo mwanaa musimbi wakafwambaana kulitondezaya kuti wakali kupya mumutwe. Wakali mwana munkutwe mukkilasi, wakali kuyanda kuswiilisiya akumvwisisiya cakali kwaamba bayi. Eeci cakapa kuti azwidilile kapati mumusunko wa Giledi 7. Naakaunka kusekondali cakamuubaubila kuzwidilila alimwi nkaambo bausyi bakali kumukulwaizya lyoonse kuti kalya uzumanana. Eeci cakapa kuti azwidilile kuyaa kucikolo cipati ca Yunivesiti.

**Lino ingula mibuzyo iccilila**

- 41** Mukwasyi wabausyi Michelo wakali ...  
**A** mucete. ✓  
**B** mupati.  
**C** musyoonto.  
**D** vwubide.
- 42** Zyina lyuulikwa mwana wazyalwa kwiinda mukusilikwa kwabanyina ngu ...  
**A** Buumba.  
**B** Chinyama.  
**C** Michelo. ✓  
**D** Mutinta.
- 43** Muntu utabukili bulo muntu uli buti?  
**A** Uciswa-ciswa ✓  
**B** Uwaya-wayaya kulya  
**C** Uyandisya banyina  
**D** Uyandisya koono
- 44** Michelo wakali kalungu kaamoyo kuli banyima. Ooku nkokuti wakali ...  
**A** kucelwa kukomena.  
**B** kuyandwa kapati. ✓  
**C** musankwa.  
**D** musimbi.
- 45** Nkaambo nzi bamayi ncibakasoka kukaka kumunjizya cikolo Michelo?  
**A** Wakaliindide aciimo.  
**B** Wakali kuboneka kuti wakacili musyoonto. ✓  
**C** Wakali kuvwula kuunka kucibbadela.  
**D** Wakanyina cipepa cacipimo.
- 46** Mwana munkutwe mwana ...  
**A** mutolo.  
**B** ubeleka canguzu. ✓  
**C** umvwa zyaamba bayi.  
**D** wiiya kucikolo.
- 47** Kupya mumutwe caamba ...  
**A** kubaa maanu. ✓  
**B** kubula maanu.  
**C** kumvwisisisya caamba bayi.  
**D** kuzwidilila mumusunko.

- 48 Kaambyo kakuti 'kalya uzumanana' kaamba kuti muntu ...  
A uzumanana ulalya kapati.  
B weelede kuzumanana kubelekesya kujana ncayanda. ✓  
C weelede kuzumanana kutegwa alye.  
D weelede kuzumanana kutegwa kalya kapati.
- 49 Kunjila mucibiya camuntu caamba ...  
A kunjila maanza mucibiya.  
B kunjila muḡanda muli zyibiya zyamuntu.  
C kupegwa muḡamu kumuntu wakusilikwa. ✓  
D kweenda musinzo kuyandaula cibiya.
- 50 Mutwe wacibalo weelede kwaamba kuti ...  
A Michelo mbwaakakomena. ✓  
B mukowa wakali banyina.  
C mukwasyi mbowakakomena.  
D mukwasyi wakulombelela.

**Mamanino Amusunko!**

- 48 Kaambyo kakuti 'kalya uzumanana' kaamba kuti muntu ...  
A uzumanana ulalya kapati.  
B weelede kuzumanana kubelekesya kujana ncayanda. ✓  
C weelede kuzumanana kutegwa alye.  
D weelede kuzumanana kutegwa kalya kapati.
- 49 Kunjila mucibiya camuntu caamba ...  
A kunjila maanza mucibiya.  
B kunjila muḡanda muli zyibiya zyamuntu.  
C kupegwa muḡamu kumuntu wakusilikwa. ✓  
D kweenda musinzo kuyandaula cibiya.
- 50 Mutwe wacibalo weelede kwaamba kuti ...  
A Michelo mbwaakakomena. ✓  
B mukowa wakali banyina.  
C mukwasyi mbowakakomena.  
D mukwasyi wakulombelela.

**Mamanino Amusunko!**